



ÚDARÁS
CRAOLACHÁIN
NA hÉIREANN

BROADCASTING
AUTHORITY
OF IRELAND

**SCÉIM URRAÍOCHTA AN BAI
2020**

TREOIR D'IARRATASÓIRÍ

RÉAMHRÁ

Treoir atá sa doiciméad seo d'eagraíochtaí nó comhlachtaí gur mian leo iarratas a chur isteach i gcomhair maoinithe urraíochta ó Údarás Craolacháin na hÉireann (BAI). Sa treoir, clúdaítear na pointí seo a leanas:

1. Maidir leis an BAI
2. Scéim Urraíochta an BAI
3. Iarratais incháilithe
4. Suim an mhaoinithe
5. Sonraí riachtanacha le haghaidh iarratas
6. Iarratas a chur isteach
7. Measúnú na n-iarratas
8. Cinntí
9. Ceanglais d'iarratais ar éirigh leo sa chomórtas
10. Saoráil Faisnéise
11. Cosaint Sonraí

Moltar d'iarratasóirí an treoir seo a léamh sula dtugann siad faoin fhoirm iarratais d'urraíocht. Má tá aon cheist agat a bhaineann le hurraíocht, déan teagmháil le sponsorship@bai.ie nó glaigh ar (01) 644 1200.

1. MAIDIR LEIS AN BAI

Bunaíodh [Údarás Craolacháin na hÉireann](#) (BAI) ar an 1 Deireadh Fómhair 2009 mar rialtóir neamhspleách do chraoltóirí raidió agus teilifíse in Éirinn. Leagtar síos sainchúraim an BAI san Acht Craolacháin 2009, ina measc tá réimse leathan cuspóirí agus feidhmeanna. Gach trí bhliana, eisíonn an BAI Ráiteas Straitéise ina leagtar síos misean, fíis agus luachanna na heagraíochta, mar aon le sraith téamaí straitéiseacha a bhfuil réimse cuspóirí straitéiseacha tánaisteacha ag dul leo. Seo a leanas na téamaí agus na cuspóirí straitéiseacha a luadh i [Ráiteas Straitéise 2017-2019](#) de chuid an BAI:

Téama Straitéiseach 1: An Éagsúlacht agus an Iolracht a chur chun cinn

1. Meascán de ghlóracha, tuaraimí agus foinsí nuachta agus cúrsaí reatha sna meáin chlosamhairc, a chuireann le díospóireacht dhaonlathach in Éirinn agus a ghníomhaíonn na saoránaigh, a chur chun cinn.
2. An líon ábhar closamhairc cultúrtha a léirítear go speisialta do lucht éisteachta/féachana in Éirinn a mhéadú.
3. Tírdhreach meáin a dhéanann ionadaíocht ar éagsúlacht shochoaí na hÉireann agus atá inrochtana dhi, a chur chun cinn.
4. Cláir Ghaeilge ar ardchaighdeán a fhorbairt agus a chur chun cinn.

Téama Straitéiseach 2: Barr feabhais agus freagracht a bhaint amach

5. Rialú a dhéanamh d'fhonn earnáil craoltóireachta freagrach a chruthú.
6. Ceannaireacht a thaispeáint i dtaca le forbairt inmharthana trí dhea-chleachtais rialaithe timpeallachta agus sóisialta a léiriú agus a chur chun cinn.
7. Tacú le timpeallacht oibre atá inniúil, spreagúil agus dúshlánach agus a dhéanann forbairt ar an BAI.

Téama Straitéiseach 3: Cumarsáid agus Tionchar

8. Tacú le díospóireacht phoiblí agus cur le polasaithe d'fhonn tírdhreach meáin atá lán-fuinneamh agus dinimiciúil.

Téama Straitéiseach 4: Lucht Éisteachta/Féachana a chumasú

9. Déan forbairt ar thuiscint, suim agus rannpháirtíocht an phobail in earnáil mheáin atá ag síorathrú.

Téama Straitéiseach 5: Nuálaíochtaí agus Inmharthanacht san Earnáil a fheabhsú

10. Comhoibriú le páirtithe leasmhara d'fhonn tacú le breis inmharthanachta san earnáil chlosamhairc in Éirinn.
11. Cruthaitheacht agus inniúlacht a spreagadh mar gnéithe ar leith san earnáil chlosamhairc in Éirinn.
12. Déan cinnte de go bhfuil béim níos mó á chur ar an gcruthaitheacht agus ar an inniúlacht trí ghníomhaíochtaí uile an BAI.

2. SCÉIM URRAÍOCHTA AN BAI

Is é príomhchuspóir Scéim Urraíochta an BAI próifíl an BAI agus a chuid oibre a ardú agus cur le cuspóirí straitéiseacha an BAI a bhaint amach. Ritear an Scéim Urraíochta ar bhonn bhliantúil nuair a chuireann an BAI glaoch amach i gcomhair iarratas i leith maoiniú urraíochta a fháil d'ócáidí/imeachtaí a reáchtálfar le linn na bliana féilire seo chugainn, nó i gcás an mhaoinithe ilbhliantúla; ócáidí/imeachtaí a reáchtálfar ar a laghad uair a amháin in aghaidh na bliana thar thréimhse dhá bhliain nó trí bhliana.

Foilsíonn an BAI treoir urraíocht amháin le foirmeacha iarratais faoi leith d'iarratais ar mhaoiniú bliantúil agus ilbhliantúil. Fógraítear spriocdháta le haghaidh iarratais a chur isteach. De ghnáth, bíonn idir 3 agus 4 sheachtain ón dáta a fhoilsítear an glaoch ar iarratais agus an spriocdháta d'iarratais. I ndiaidh an spriocdháta, déanann an BAI measúnú ar na hiarratais bunaithe ar na critéir a leagtar síos sa treoir d'iarratasóirí agus fógraítear na torthaí go gairid i ndiaidh an mheasúnaithe bheith déanta.

Sainmhíneann an BAI urraíocht mar:

“deonachán in airgead nó “le hábhar” tairgthe d’eagraíocht, nó duine aonair, d’fheidhmeanna eachtra a reáchtáil, seirbhís a sholáthar nó tabhairt faoi ghníomhaíocht atá de réir misean agus cuspóirí an BAI mar mhalairt ar bhuntáiste sonracha áirithe”.

3. IARRATAIS INCHÁILITHE

Glacann an BAI le hiarratais i leith urraíochta d'imeachtaí agus d'ócáidí meán atá in oiriúint le cuspóirí straitéiseacha an BAI, agus a thabharfadh deis don BAI a chuid oibre agus a chuspóirí straitéiseacha a chur chun cinn do lucht féachana/éisteacha cuí. Do bhabhta maoinithe 2020, cuirtear fáilte roimh iarratais a thacaíonn leis na cuspóirí straitéiseacha seo a leanas:

Téama Straitéiseach 1: An Éagsúlacht agus an Iolracht a chur chun cinn

- Tírdhreach meáin a dhéanann ionadaíocht ar shocháil éagsúil na hÉireann agus atá inrochtana dhi, a spreagadh.

- Méadú a dhéanamh líon na gclárabhar closamharc cultúrtha a léirítear agus déan cinnte de go bhfuil fáil níos leithne orthu.

Téama Straitéiseach 5: Nuálaíochtaí agus Inmharthanacht san Earnáil a fheabhsú

- Comhoibriú le páirtithe leasmhara d'fhonn tacú le breis inmharthanachta san earnáil chlosamhairc in Éirinn.

Tabhair faoi deara go bhfuil an Scéim Urraíochta seo dírithe ar urraíocht a dhéanamh ar ócáidí agus ar imeachtaí. Níltear ag díriú ar eagraíochtaí a urrú iad féin. Ba cheart d'iarratais ar urraíocht bheith teoranta d'ócáidí/imeachtaí aonair, do ghné amháin de chlár nó do ghnéithe áirithe mar chuid d'imeacht níos mó nó do shraith imeachtaí/ócáidí atá gaolta lena chéile. Ní mholtar d'iarratasóirí urraíocht a lorg do réimse ócáidí/imeachtaí a bhfuil gaol ar bith eatarthu.

4. SUIM AN MHAOINITHE

Tá suas le €120,000 ar fáil ón BAI faoin scéim urraíochta do 2020 ag brath ar líon agus caighdeán sásúil na n-iarratas agus ar an dtagann siad leis na cuspóirí straitéiseacha a luadh thuas.

Mar eolas, ba é €7,800 an tsuim mheánach a tairiscíodh d'iarratasóirí aonair ar bhonn bhliantúil in 2019.

Glacann an BAI le hiarratais le haghaidh urraíocht ilbhliantúil do thréimhse nach fada le trí bhliana. Is é cuspóir an mhaoinithe ilbhliantúla, cinnteacht mhaoinithe a thabhairt d'imeachtaí agus ócáidí bliantúla a bhíonn á reáchtáil ag iarratasóirí a bhfuil lán-taithí acu go dtí seo. Ní mór d'iarratais d'urraíocht ilbhliantúil a thaispeáint go soiléir cén fáth go bhfuil an maoiniú seo thar thréimhse ama níos faide de dhíth ón BAI agus cén chaoi a bhfuil sé ar leas an eagarthóra agus an BAI é a cheadú. Tá sé de cheart ag an BAI maoiniú urraíochta a cheadú do na hiarratasóirí seo ar bhonn bhliantúil nó ilbhliantúil, de réir mar is mian leis.

5. SONRAÍ RIACHTANACHA LE HAGHAIDH IARRATAS

Ní mór d'iarratasóirí foirm oifigiúil ón BAI a líonadh isteach, foirm do mhaoiniú bliantúil nó ilbhliantúil. Ní mór na sonraí seo a leanas bheith ar an bhfoirm:

- Sonraí an iarratasóra; ainm iomlán, seoladh, fón agus sonraí teagmhála rphost.
- Cúlra gairid faoin iarratasóir agus ba cheart aon taithí le hócáidí nó imeachtaí a eagrú a lua anseo.
- Cur síos ar an ócáid/imeacht, mar aon le suíomh agus dáta tásach.
- Míniú ar an nasc idir an ócáid/imeacht agus obair an BAI agus cén chaoi a thagann sí le ar a laghad cuspóir straitéiseach amháin de chuid an BAI, mar a leagtar síos iad i [Ráiteas Straitéise an BAI 2017-2019](#).
- Buiséad iomlán na hócáide/an imeachta a lua agus léiriú cén chaoi a úsáidfear maoiniú urraíochta an BAI.
- Sonraí maidir le haon mhaoiniú eile, suim an mhaoinithe sin agus má tá an maoiniú sin sábháilte.
- Míniú cén chaoi a dhéanfar margaíocht agus poiblíocht ar an ócáid/imeacht agus cén chaoi a n-aithneofar urraíocht an BAI.

6. IARRATAS A CHUR ISTEACH

Ba cheart foirmeacha iarratais a sheoladh isteach i bhfoirm **PDF** chuig sponsorship@bai.ie faoi mheán lae ar an **Dé Máirt, an 17 Nollaig 2019**.

Ní ghlacfar le hiarratais atá mall nó neamhiomlán.

7. MEASÚNÚ NA nIARRATAS

Úsáidfear na critéir seo a leanas chun measúnú a dhéanamh ar na hiarratais incháilithe:

Critéir mheasúnaithe	Marcanna ar fáil %	Íos-scór riachtanach
(A) Tagann le cuspóirí straitéiseacha an BAI a bhaint amach	50	30
(B) Luach ar airgead	30	18
(C) Réalaíoch, insroichte, tagairt do dhea-thaithí	20	12
Iomlán	100%	-

Déanfar measúnú straitéiseach ar iarratais chomh maith, ag tabhairt i gcuntas na nithe seo a leanas:

1. An réimse cuspóirí straitéiseacha de chuid an BAI a thabharfaí tacaíocht dóibh ag na hócáidí/imeachtaí;
2. Éagsúlacht an lucht féachana/éisteacha a dhéanfaí freastal orthu ag na hócáidí/imeachtaí;
3. Éagsúlacht na meán (raidió/teilifís/scannán) agus na n-earnálacha (tráchtála/pobal/seirbhís poiblí) a chuirfí chun cinn de bharr na n-ócáidí/imeachtaí; agus,
4. Éagsúlacht na seánraí/formáidí (amhail drámaí, cláir fhaisnéise, cartúin, srl.) a chruthófaí poiblíocht dóibh ag na hócáidí/imeachtaí.

Tabhair faoi deara, nach bhfuil sé sábhailte go bhfaighfear maoiniú urraíochta an babhta seo má fuarthas maoiniú i mbabhtaí roimhe seo.

8. CINNTÍ

Cuirfidh an BAI iarratasóirí ar an eolas faoinar éirigh leo maoiniú a fháil do bhabhta 2020, nó nár éirigh, i mí Eanáir 2020.

9. CEANGLAIS D'IARRATAIS AR ÉIRIGH LEO SA CHOMÓRTAS

Conradh: D'fhonn aon tairiscint do mhaoiniú urraíochta a chinntiú, ní mór d'iarratasóirí glacadh leis an tairiscint do mhaoiniú urraíochta go foirmiúil agus conradh maoinithe a chur a i bhfeidhm

leis an BAI laistigh de na tréimhsí ama arna sonrú ag an BAI agus ní ba dheireanaí ná dáta na hócáide/an imeachta ar a bhfuiltear ag déanamh urraíochta. Tá téarmaí agus coinníollacha samplacha ar fáil ar shuíomh gréasáin an BAI [anseo](#).

Tarraingt anuas an mhaoinithe: De ghnáth, íoctar maoiniú bliantúil ina dhá chuid; íocfar 70% i ndiaidh chur i bhfeidhm an chonartha agus 30% i ndiaidh don BAI an cháipéisíocht chuí a fháil tar éis lá na hócáide/an imeachta. Íoctar maoiniú ilbhliantúil ina gceithre chuid; tarraingítear anuas an chéad chuid i ndiaidh chur i bhfeidhm an chonartha agus íoctar an chuid deireanach i ndiaidh don BAI an cháipéisíocht chuí a fháil tar éis lá na hócáide/an imeachta. Ní mór teacht ar mhargadh leis an BAI faoi na céatadáin maoinithe do na hócáidíochtaí ar fad.

Cuntas Bainc: Seolfar maoiniú urraíochta do chuntas bainc ar leith don ócáid/imeacht atáthar á maoiniú.

Cuntasaíocht: I gcomhréir le conradh urraíochta an BAI, ní mór d'iarratasóirí a n-éiríonn leo sa chomórtas an córas cuntasaíochta MTS 45 a úsáid agus iad ag ullmhú na ráitis chostais chríochnaitheacha don ócáid/imeacht atáthar á urrú. Ní eiseofar an chuid deireanach den mhaoiniú gan é seo a bheith déanta. Tá treoir maidir leis an gcóras cuntasaíochta MTS 45 ar fáil [anseo](#).

Imréiteach Cánach: Sula n-eiseofar aon mhaoiniú urraíochta, ní mór d'iarratasóirí a n-éiríonn leo sa chomórtas a n-uimhir rochtana cánach agus a n-uimhir thagartha cánach a sheoladh chuig an BAI chun léiriú go bhfuiltear ag comhlíonadh a gcuid dualgas cánach.

Cáin Bhreisluacha (VAT): Is é tuairim an BAI gur mar a chéile urraíocht agus fógraíocht sa chaoi is go bhfaigheann an BAI leasanna so-aitheanta as ucht maoiniú urraíochta a chur ar fáil do thograí. De bharr an méid sin, ní mór d'iarratasóirí atá cláraithe do cháin bhreisluacha a íoc, sonraisc do cháin bhreisluacha a sheoladh chuig an BAI d'fhonn an maoiniú urraíochta a fháil.

10. SAORÁIL FAISNÉISE

Déanfaidh an BAI cinnte de go gcoinneofar aon fhaisnéis a sholáthraítear dó sna iarratais do mhaoiniú urraíochta, faoi rún, i gcomhréir le ceanglais dlí an BAI; ina measc siúd ceanglais de réir an Achta um Shaoráil Faisnéise, 2014. Iarrtar ar iarratasóirí a machnamh a dhéanamh faoin bhfaisnéis a sholáthraíonn siad tríd an bhfoirm iarratais; ar cheart gan an fhaisnéis sin a roinnt, más ceart; cén fhaisnéis atá i gceist agus cén chúis atá ag an iarratasóir gan an fhaisnéis sin a roinnt. Pléifear aon fhaisnéis íogair le hiarratasóirí sula ndéanfar aon chinneadh maidir le hiarratas ar fhaisnéis faoin Acht um Shaoráil Faisnéise. Má tá iarratasóirí den bharúil nach bhfuil aon fhaisnéis íogair ina n-iarratas, ansin ba cheart dóibh ráiteas a dhéanamh chun sin a dheimhniú. D'fhéadfadh an fhaisnéis sin a roinnt faoi théarmaí iarratas um Shaoráil Faisnéise.

11. COSAINT SONRAÍ

Tá an BAI faoi cheangal ag gach dlíthe náisiúnta ábhartha agus ag dlíthe, rialacháin agus treoirlínte an AE do chosaint sonraí, san áireamh tá; Rialacháin (an AE) 2016/679 maidir le daoine nádúrtha a chosaint i ndáil le sonraí pearsanta a phróiseáil agus maidir le saorghluaiseacht sonraí den sórt sin, agus lena n-aisghairtear Treoir 95/46/CE (An Rialachán Ginearálta maidir le Cosaint

SCÉIM URRAÍOCHTA AN BAI 2020 – FOIRM IARRATAIS

Sonraí) agus aon treoir nó cóid chleachtais a d'fhoilsigh Oifig an Choimisinéara um Chosaint Sonraí nó aon údarás faireacháin do chosaint sonraí in Éirinn ó am go ham.

Beidh an BAI ina rialaitheoir sonraí (ag teacht le sainmhíniú an téarma 'Rialaitheoir Sonraí' de réir na nAchtanna um Chosaint Sonraí) d'aon sonraí pearsanta (ag teacht le sainmhíniú an téarma 'Sonraí pearsanta' de réir na nAchtanna um Chosaint Sonraí) gur ghá a sholáthar le hiarratais do mhaoiniú urraíochta.

Mar rialaitheoir sonraí, ní mór don iarratasóir a dheimhniú i scríbhinn go bhfuil cead aige sonraí pearsanta gach damhna sonraí (ag teacht le sainmhíniú an téarma 'Damhna Sonraí' de réir na nAchtanna um Chosaint Sonraí) a phróiseáil, iad a roinnt; leis an BAI i gcomhair próiseála, leis an bpainéal measúnaithe d'fhonn bheith rannpháirteach sa Scéim Urraíochta NÓ go bhfuil bunús dlíthiúil ag an iarratasóir d'fhonn sonraí pearsanta den chineál sin a sholáthar don BAI d'fhonn bheith rannpháirteach sa Scéim Urraíochta seo.

--CRÍOCH--